



CENTRALE BANK VAN ARUBA

PRESTAMO COMERCIAL Y HIPOTECA TA EXPANDE

Resumen di e Relato Mensual di november 2018

Comunicado di Prensa ¹

Desaroyo monetario

Compara cu october 2018, den e luna di november 2018, e cantidad di placa den circulacion a expande cu Afl. 29,4 miyon te na Afl. 4.352,6 miyon. Esaki a resulta door di subidanan den tanto e activo domestico netto (+Afl. 21,6 miyon) como e reserva di divisa netto (+Afl. 7,8 miyon).

E expansion den e activo domestico netto a wordo causa pa un crecimiento den credito domestico (+Afl. 14,8 miyon) y un subida den transaccionnan no relata na credito (+Afl. 6,8 miyon). E desaroyo den credito domestico a resulta for di un subida den credito bancario na e sector priva (+Afl. 32,1 miyon), cual a wordo parcialmente mitiga pa un caida den credito bancario netto na e sector publico (-Afl. 17,3 miyon). Credito bancario na e sector priva a expande door di aumentonan den credito na empresa (+Afl. 16,5 miyon), y hipoteca pa vivienda (+Afl. 16,1 miyon), mientras cu credito na consumidor a disminui un poco (-Afl. 0,5 miyon). E caida den credito bancario netto na e sector publico ta debi na un reduccion den debe di gobierno (-Afl. 39,9 miyon), cual a wordo parcialmente mitiga pa un bahada den depositonan di gobierno (-Afl. 22,5 miyon).

E aumento den reserva di divisa netto di e sector bancario ta debi na compra netto di divisa for di publico (+Afl. 214,1 miyon), primordialmente relaciona cu entrada for di exportacion di turismo. Esaki a wordo parcialmente mitiga pa benta netto di divisa na publico (-Afl. 206,3 miyon), relaciona mas tanto cu importacion di mercancia.

Inflacion

E nivel general di prijs, cu ta wordo midi door di e indice di prijs di consumo, a registra un subida di 5,1 por ciento den e luna di november 2018, compara cu november 2017. E contribuyentenan principal na e aumento aki tabata e componentenan “Transporte”, “Cuminda y Bebida No-Alcoholico” y “Recreacion y Cultura”. Si exclui e componentenan di cuminda y energia for di e indice di prijs di consumo, inflacion a muestra un aumento di 2,8 por ciento compara cu november 2017. Pa loke ta trata e promedio anual di e tasa di inflacion, esaki a registra 3,2 por ciento na november 2018, compara cu 2,7 por ciento na october 2018.

Entrada di Gobierno

Na november 2018, entrada di gobierno a suma Afl. 106,1 miyon, cual ta Afl. 5,2 miyon mas compara cu e mesun luna di e aña anterior. Esaki a resulta for di un subida den entrada di impuesto (+Afl. 14,7 miyon), cual a wordo parcialmente mitiga pa un bahada den entrada no relata na impuesto (-Afl. 9,5 miyon²). E crecimiento den entrada di impuesto ta relata principalmente na mas entrada for di impuesto riba ganashi (+Afl. 12,9 miyon) y impuesto riba benta di negoshi (B.B.O./B.A.V.P.) (+Afl. 6,8 miyon), debi na e introduccion

¹ E original na Ingles ta prevalece.

² Cifranan di entrada no relata na impuesto for di Departamento di Finanzas no tabata disponibel na momento di e publicacion aki.

di e B.A.V.P.³. E aumentonan aki a wordo mitiga pa un parti door di menos entrada for di impuesto riba entrada (-Afl. 3,3 miyon) y impuesto riba salario (-Afl. 1,2 miyon).

Turismo

Tuma nota cu e cifranan di turismo no tabata disponibel na momento di publicacion di e relato aki.

Banco Central di Aruba

30 januari 2019

Pa mas informacion of un analysis mas detaya, bishita nos website (www.cbaruba.org) of tuma contacto cu e Departamento di Estadistica di Banco Central di Aruba, tel. +297 5252100, e-mail statistics.department@cbaruba.org.

³ B.A.V.P. November 2018: Afl. 7,8 miyon.